



Caderno da crítica

Cuestionario Proust: Miguel Sande

[Ramón Nicolás 8 Abril 2015](#)

1.– Principal trazo do seu carácter?

– A invisibilidade.

2.– Que calidade aprecia máis nas persoas?

– A humildade (inclúe educación e respecto)

3.– Que agarda das súas amizades?

– Nada.

4.– A súa principal eiva?

– Esa mesma, a invisibilidade.

5.– A súa ocupación favorita?

– As máis das veces correr.

6.– O seu ideal de felicidade?

– Tomar un bo café (e entón ler).

7.– Cal sería a súa maior desgraza?

– Algunhas poderían ser grandes desgrazas.

8.– Que lle gustaría ser?

– O que son.

9.– En que país desexaría vivir?

– Neste, non coñezo outro.

10.– A súa cor favorita?

– A do mar, cambiante.

11. – A flor que máis lle gusta?

– En especial as máis sinxelas.

12.– O paxaro que prefire?

– O que (ferido) non poida voar.

13.– A súa devoción na prosa?

– Quen traballan frase a frase, parágrafo a parágrafo coma quen pica na pedra.

14.– E na poesía?

– Eugénio de Andrade (outro: Peixoto; agora tamén o último de Berta Dávila).

15.– Un libro?

– Imposible.

16.– Un heroe de ficción?

– Non teño.

17.– Unha heroína?

– Tampouco non teño.

18.– A súa música favorita?

– Neste momento o hardcore; trashcore. Megadeth.

19.– Na pintura?

– Son máis de fotografía.

20.– Un heroe ou heroína na vida real?

– Ninguén. Non creo niso.

21.– O seu nome favorito?

– A persoa fai o nome.

22.– Que hábito alleo non soporta?

– A tardanza (mesmo a propia).

23.– O que máis odia?

– Que me berren.

24.– A figura histórica que máis despreza?

– As de quen “obraron” para pasar á historia.

25.– Un feito militar que admire?

– Militar, só por esa condición ningún.

26.– Que don natural lle gustaría ter?

– Un que me aprendera a apreciar máis a pintura, un Van Gogh, un Leopoldo Nóvoa, por exemplo.

27. – De que maneira lle gustaría morrer?

– Neste momento, a esta idade, de ningunha.

28.– Cal é o seu estado de ánimo máis habitual?

– A serenidade, a pesar de todo.

29.– Que defectos lle inspiran máis indulxencia?

– Se son defectos, todos.

30.– Un lema na súa vida?

– Non teño.